

Na osnovu člana 69. Zakona o javnim nabavkama Bosne i Hercegovine («Službeni glasnik BiH», broj: 39/14»), a nakon provedenog konkurentskog postupka javne nabavke radova, zaključuje se :

UGOVOR

Između: J.U.Srednjoškolski centar „Nedžad Ibrišimović“ Ilijaš, koga zastupa Amir Džafo, direktor (u daljem tekstu: Naručilac), s jedne strane i „Hake“ d.o.o. Ilijaš, koga zastupa Buza Fahrudin direktor, (u daljem tekstu: Izvođač radova), s druge strane.

PREDMET UGOVORA:

Član 1.

Predmet ugovora je „Izvođenje radova na rekonstrukciji i sanaciji mokrih čvorova u objektu JU Srednjoškolski centar „Nedžad Ibrišimović“ Ilijaš, a nakon okončanog konkurentskog postupka javne nabavke radova.

Sastavni dio Ugovora je Ponuda odabranog ponuđača broj: 66-10/20.

CIJENA I NAČIN PLAĆANJA

Član 2.

Vrijednost ugovorenih radova bez PDV iznosi **17.582,08 KM**, slovima (sedamnaest hiljada petstoosamdesetdva KM i 08/100KM), PDV na ugovorenu vrijednost radova iznosi **2.988,95 KM** (dvije hiljade devetstoosamdesetosam KM i 95/100KM).

Ukupna vrijednost ugovorenih radova, sa uračunatim PDV-om, iznosi **20.571,03 KM** (dvadeset hiljada petstosedamdesetjedna KM i 03/100 KM).

Plaćanje Izvođaču radova izvršiti će Naručilac na transakcijski račun izvođača radova, po prijemu radova i prihvaćenom izvještaju nadzornog organa, u roku od 20 dana, na žiro-račun otvoren kod Vakufske banke DD Sarajevo broj 1602000001059263.

PRAVA I OBAVEZE

Član 3.

Naručilac se obavezuje da će obezbjediti svu projektno - tehničku dokumentaciju potrebnu za izvođenje radova i uvesti u posao Izvođača radova.

Poslove nadzora nad izvođenjem radova vršit će predstavnik kojeg imenuje ugovorni organ.

Član 4.

Izvođač radova se obavezuje:

- da će izvesti ugovorene radove stručno, kvalitetno i u skladu sa tenderskom dokumentacijom, kao i standardima i normativima predviđenim za ugovorenu vrstu radova, te u skladu sa Zakonom o građenju;
- da će uz saglasnost Nadzornog organa pismeno obavijestiti Naručioca o datumu uvođenja u posao,
- da će redovno voditi građevinski dnevnik, građevinsku knjigu i ostalu građevinsko-tehničku dokumentaciju, te da će obračun situacija vršiti samo na osnovu prethodno ovjerenih količina izvršenih radova u građevinskoj knjizi od strane Nadzornog organa,
- da o svom trošku otkloni sve nedostatke na izvršenim radovima koji se eventualno utvrde u toku izvođenja radova, a na zahtjev i u roku koji odredi Nadzorni organ,
- da otkloni sve nedostatke prilikom primopredaje radova u roku koji odredi Nadzorni organ,
- da otkloni sve nedostatke u garantnom roku na koje ukaže Naručilac,
- da će osigurati dokaze o kvalitetu radova i ugrađenih materijala i opreme prema važećim standardima i zahtjevima iz projekta,
- da će organizovati i obezbjediti zaštitu svojih radnika, materijala i opreme na gradilištu i imovine uz gradilište,
- da će snositi sve eventualne štete pričinjene trećim licima prilikom izvođenja radova, odnosno nastalih kao posljedica izvođenja radova,

- da po završetku i primopredaji radova ukloni sav višak materijala i opreme sa mjesta izvođenja radova.
- da zajedno sa Nadzornim organom sačini zapisnik o završenim radovima.

GRAĐEVINSKA KNJIGA I GRAĐEVINSKI DNEVNIK

Član 5.

Izvođač je dužan da vodi propisanu građevinsku dokumentaciju potrebnu za realizaciju projekta u skladu sa zakonom i pravilima struke i to:

- građevinski dnevnik u dva primjerka - svakodnevno obostrano potpisan od strane Izvođača i Nadzornog organa Naručioca,
- građevinsku knjigu,
- Izvođač je obavezan da poslije konačnog obračuna radova putem Nadzornog organa dostavi Naručiocu građevinsku knjigu koja sadrži sve tačne podatke o mjerama i količinama stvarno izvedenih radova, te služi za sastavljanje zapisnika o izvršenim radovima,
- da dostavi Naručiocu građevinski dnevnik u dva primjerka,

ROK IZVOĐENJA RADOVA

Član 6.

Izvođač radova se obavezuje da će posao iz člana 1. ovog Ugovora završiti u roku od 30 (trideset) dana od dana zaključenja Ugovora .

Rok za izvođenje radova može se izmijeniti samo u slučaju odobravanja od strane Naručioca i na pismeni zahtjev Izvođača radova. Zahtjev Izvođača radova će se prethodno razmotriti i ukoliko Nadzorni organ utvrdi da je isti opravdan pismeno će odobriti produženje roka.

UGOVORNA KAZNA

Član 7.

U slučaju prekoračenja rokova predviđenih dinamikom izvođenja radova, Izvođaču radova se umanjuje naknada za obavljeni posao za svaki dan prekoračenja u iznosu od 0,5 %, a obračunava se na ukupno ugovorenu vrijednost.

Ukupna obračunata kazna zbog kašnjenja ne može biti veća od 5% od vrijednosti ugovora. U slučaju nekvalitetnog izvođenja radova Naručilac će zadržati iznos od 10% od svake privremene situacije.

Član 8.

Po izvršenju radova Nadzorni organ iz člana 3. ovog Ugovora će izvršiti pregled i o eventualnim nedostacima izvijestiti Izvođača radova, koji je dužan iste otkloniti u roku od sedam (7) dana od dana obavijesti, o svom trošku.

GARANTNI ROK

Član 9.

Garantni rok za izvedene radove je 132 (sto trideset dva) mjeseca, od dana kada nadzorni organ primi izvedene radove po ugovoru.

Izvođač radova se obavezuje da će sve nedostatke i kvarove, nastale usljed loše i nestručno izvedenih radova, a koji se pojave u garantnom roku, otkloniti u roku od 7 (sedam) dana po prijavi Naručioca.

RASKID UGOVORA

Član 10.

Naručilac može raskinuti Ugovor u slijedećim slučajevima:

- ukoliko se Izvođač radova ne pridržava ugovorenih obaveza, odnosno ukoliko grubo krši odredbe ugovora,
- ako Izvođač radova ne ispunjava svoje obaveze u skladu sa dinamičkim planom,
- ukoliko kvalitet izvedenih radova nije u skladu sa tehničkim propisima,
- ako Izvođač radova ne izvede radove u predviđenom roku, izuzev ako je za odstupanje data pismena saglasnost Nadzornog organa,

- ako Izvođač radova izvodi radove nekvalitetno i ne izvršava poslove po nalogu Nadzornog organa,
- ukoliko poslove ustupi drugoj firmi ili podugovaraču poslova kojeg nije naveo u prihvaćenoj ponudi.

ZAVRŠNE ODREDBE

Član 11.

Za sve što nije predviđeno ovim Ugovorom primjenjuju se odredbe Zakona o građenju, uzanse o građenju i odrebe Zakona o obligacionim odnosima.

Član 12.

Ugovorne strane su saglasne da je u slučaju eventualnog spora po ovom Ugovoru nadležan Općinski sud u Sarajevu.

Član 13.

Ugovor je sačinjen u četiri (4) istovjetna primjerka od kojih svaka strana zadržava po dva.

IZVOĐAČ RADOVA
DIREKTOR



NARUČILAC RADOVA
DIREKTOR ŠKOLE

Amir Džafo
mr.sc. Amir Džafo, prof.

dj.br. 01-04-23-3444/20
datum, 30.10.2020. godine